

CHON MESEMES REN MWICHEICHEN ARAMAS ME KOKOTUN MWICH SENI EWE PUBLIC HEALTH

Non ewe ier a nó ach kewe chufengen ren holiday mei wate sokofesenin seni met kich mi kan fori akomwan. Non ei winter ika fansoun patapaat kich mei tongeni fiti an chiechiach me famini ranin apwapwa ika chufengen ika pwe kich mei apwonueta ekewe angangen tumwun me apetin cheunón COVID-19.

Kich mei chuen niit ach sipwe tumwunoch. COVID-19 mei chuen uchok nomw non neniach. Ekewe pioing achok arap an epwe urou me non me apwan nafangaw chón angang. Kich mei kuna nge ei samwau COVID-19 mei pwan cheu fetan non sukun, non an sukun kewe amweicheich murin sukun, me pwan non ekewe neni aramas ir mi chufengen non. En mei tongeni aninis an epwe sopwosopwenó an sukun me pioing suuk ika pwe en mi apwonueta ekewe angangen tumwun ren apetin samwau non ami kewe ranin chufengen. Epwe tufich ika pwe meinsin sipwe angang fengen an epwe keúnó cheunón COVID-19.

Awora akasiwin ika kanselini ami ami ranin mwich ika esapw tongeni pwonueta ekewe anuk ika ekewe chon fiti omw ewe ran resapw tongeni fori ekewe anukun apetin samwau an esapw cheu fetan. Akota omw kopwe afisi ami mwich ika chufengen wón fitio.

Afisi ami mwich ika chufengen nukun ika epwe tufich iwe pwan apwonueta ekei:

- Achema ngeni meinsin ar repwe nomweti non imw ika pwe ir mei:
 - » Mei semwen ika wor rer ekewe esisinen samwau,
 - » Ir mei witi pwungun ar tesin COVID-19, ika
 - » Ir mei nomw unukun ekewe mei urir COVID-19 non ekewe 14 ran a nó.
- Tungorei ekewe chon fiti omw ewe ran ika mwich ar repwe ounusa ar apwos.
- Kosapw mwonuki nge iei atun chéún samwau me mááter. Ren omw angei omw apwos ren apetin mááter me apwonuetai ekewe anukun apetin cheunon samwau en mi pwan aninis an esapw watenó cheunón ekewe ekkoch samwau.
- Achema ngeni ekewe chon fiti omw ewe ran ika mwich pwe ekon tumwun an ekewe wate me semirit ese mwo unus ar apwos ar repwe chok nomweti non imw.
- Ika mwo pwe epwe fis nukun ami amweicheich, meinsin repwe aea tukutukun wón mas ika pwe mi chomwong aramas.
- Awora nenien ekewe chon fiti omw ewe ran ika mwich epwe onu fiit nefin seni ekkoch. Éúkú kéúkún aramas repwe fiti omw ran ren an epwe mecheres an aramas repwe towaw fesen.
- Eimwuenoi ekewe chon kéén ika pworuk, ika ekewe chon afanafan epwe 6 fiit seni chon katon ika mwómwót. Neuneu ew sound system ike pisekis etik rokoto.
- Einet mwongo ngeni emon me emon ika ngeni ew me ew chóchón non imw. Awora nefiin ika towawen nefinen aramas ika repwe witiwin non laain.
- Awora téténún paú me sanataiserún paú epwe mecheres ngeni aramas.
- Nimeti me aea ekewe minen enimenim mei nienoi monun samwau fan chomwong.
- Aiiti ngeni ekewe aramas repwe fiti omw ewe ran ika mwich ewe 211 fan iten ekewe esinesin mei eucha ren COVID-19 fan iten apwos, tes, me ekkoch aninis.



Nomweti non imw ika ir mi samwau



Angei apwos ika ir mei tufichin & aea omw tukutukun wón mas



Tou Nukun

Ika ekewe aramas repwe fiti omw ewe ran ika mwich repwe nomw non imw ika neni

- Meinsin repwe aea tukutukun wón mas, ese pwan nifinifin ika ir mei angei apwos ika rese.
- Sukanó asamwocho me asam an epwe sanong me sauu asepan.